

राम सरोवर पाल,
धाम बनीयो हृद भारी,
अरे रामदेवजी नाम,
देव मोटा अवतारी,
अरे सिवरे सब संसार,
अरे इन कलजुग रे मायने,
इन कलजुग रे मायने जी,
कोई साचो है दरबार,
देव मोटा अवतारी,
राम सरोवर पाल,
धाम बनीयो हृद भारी ॥

अरे पिछम धरा रे माय,
रुनीचो गाँव कहावे,
अरे जगमग जागे जोत,
लोग दर्शन ने आवे,
अरे आवे नर ओर नार,
अरे मेलो लागे देवरे जी,
मेलो लागे देवरे जी,
कोई उमड़े भीड़ अपार,
देव मोटा अवतारी,
राम सरोवर पाल,
धाम बनीयो हृद भारी ॥

धर मन मे विश्वास,

भगत शरणो मे आवे,
अरे अजमलजी रा लाल,
आपने शीश निवावे,
अरे मैणादे रा लाल,
आपने शिश निवावे,
बाबा गूंजे जय जय कार,
अरे ध्वजा फरूके देवरे जी,
ध्वजा फरूके देवरे जी,
कोई ऊँची उडे आकाश,
देव मोटा अवतारी,
राम सरोंवर पाल,
धाम बनीयो हद भारी ॥

अरे दिन दुखी रा कष्ट,
बापजी आप मिटावे,
अरे अनधन रा भंडार,
भक्त रे घणा भरावे,
अरे बांजनीया सुख पाव,
अरे आंधा पावे आंखीया जी,
कोई आंधा पावे आंखीया जी,
कोई पान्गलीया चलाय,
देव मोटा अवतारी,
राम सरोंवर पाल,
धाम बनीयो हद भारी ॥

दूर दूर सु लोग,
आपरे मंदिर आवे,
खाली हाथा आय,

झोलीया भर लेजावे,
अरे थारी जुग सु बात,
अरे परचा देवे बापजी,
कोई परचा देवे बापजी,
कोई देवे हातो हाथ,
देव मोटा अवतारी,
राम सरोंवर पाल,
धाम बनीयो हृद भारी ॥

अरे गाँव रुनीचा माय,
बापजी दर्शन दिजो,
अरे लीले रा असवार,
काम भगतो रा किजो,
अरे दास अशोक सुनाय,
बीच भवर मे नाव,
बाबा बीच भवर मे नाव,
बाबा किजो पार लगाय,
देव मोटा अवतारी,
राम सरोंवर पाल,
धाम बनीयो हृद भारी ॥

राम सरोवर पाल,
धाम बनीयो हृद भारी,
अरे रामदेवजी नाम,
देव मोटा अवतारी,
अरे सिवरे सब संसार,
अरे इन कलजुग रे मायने,
इन कलजुग रे मायने जी,

कोई साचो है दरबार,
देव मोटा अवतारी,
राम सरोंवर पाल,
धाम बनीयो हद भारी ॥

प्रेषक मनीष सीरवी
9640557818

Source:

<https://www.bharattemples.com/ram-sarovar-paal-dhaam-baniyo-had-bhari/>



Bharat Temples

Complete Bhajans Collections - Download Free Android App

https://play.google.com/store/apps/details?id=com.numetive_bhajans

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>